

اتوار 15 مارچ، 2020ء

مضمون۔ مواد

سنہری متن: عبرانیوں 10 باب 3413 آیت

”تھاڑے کول اک چنگلی تے ہمیشہ دی ملکیت اے۔“

جوابی پڑھائی: زبور 37:3، 6، 16، 19، 18 آیتاں

- 3- خداوند اُتے بھروسہ کرتے نیکی کر۔ ملک وچ آباد رہ تے اوہدی وفاداری توں پرورش پا۔
- 4- خداوند وچ مسرور رہ تے اوہ تیرے دل دیاں مراداں پوریاں کرے گا۔
- 5- اپنی راہ خداوند اُتے جھٹدے تے اوہدے اُتے بھروسہ کر۔ اوہ ای سب کجھ کرے گا۔
- 6- اوہ تیری راستبازی نوں نور دے وانگرتے تیرے حق نوں دوپہردے وانگر روشن کرے گا۔
- 16- صادق دا تھوڑا جیہا مال بوہت سارے شریراں دی دولت توں چنگاے۔
- 18- کامل لوکاں دے دناں نوں خداوند جان دا اے۔ اوہناں دی میراث ہمیشہ لئی ہووے گی۔
- 19- اوہ آفت دے ویلے شرمندہ نہ ہوون گے تے کال دے دناں وچ خوش رہن گے۔

## درسی وعظ

## بائبل وچوں

## 1- زبور 36:5 توں 9 آیتاں

- 5- اے خداوند آسمان وچ تیری شفقت اے۔ تیری شفقت آسماناں تیکر اچی اے۔
- 6- تیری صداقت رب دے پہاڑاں وانگر اے تیرے حکم بوہت نایاب نیں۔ اے خداوند توں انسان تے جانور دونواں نوں محفوظ رکھد ایں۔
- 7- اے خداوند تیری شفقت کنسی قیمتی اے بنی آدم تیریاں بانہواں دے پر چھانویں بیٹھاں پناہ لیندے نیں۔
- 8- اوہ تیرے گھر دیاں نعمتاں توں چنگے رجھن گے۔ توں اوہناں نوں اپنی خوشی دے دریا وچوں پلانویں گا۔
- 9- کیوں جے حیاتی دا چشمہ تیرے کول اے۔ تیرے نور دے پاروں اسی لوو یکھاں گے۔

## 2- یسعیاہ 58 باب 10، 11، 13 (توں)، 13 (وڈیائی)، 14 آیتاں

10- بے تُوں اپنا دل لیکھے ول لائویں تے دکھی دل نوں خوش کریں تے تیر انور، ہنیرے وچ چمکے گاتے تیری لو  
دوپہر وانگر ہو جاوے گی۔

11- تے خداوند سدا تیری رہنمائی کرے گاتے خشک سالی وچ تینووں ر جھاوے گاتے تیریاں ہڈیاں نوں  
طاقت بخشے گا۔ ایس لئی تُوں ہرے بھرے باغ دے وانگر ہو نوں گاتے اوس چشمے دے وانگر جید اپانی گھٹ نہ  
ہووے۔

13- بے تُوں۔۔۔ اوہدی وڈیائی کریں، اپنا کاروبار نہ کریں تے اپنی خوشی تے بے فائدہ گلاں توں کنارہ کریں۔

14- فیر میں خداوند وچ خوش ہونواں گاتے میں تینوں جگ دیاں اُچیاں اُتے لے تُوں گاتے میں تینوں  
تیرے پیو یعقوب دی میراث وچوں کھوانواں گا کیوں جے رب دے منہ دی ایہہ گل اے۔

### 3- مرقس 11 باب 11 (توں): آیت

11- تے یسوع یروشلیم وچ وڑھ کے ہیکل وچ آیا۔

### 4- مرقس 12 باب 28 توں 31 آیتاں

28۔ تے فقیہیاں وچوں اک نے اوہناں نوں، بحث کر دیاں سن کے جان لیا پئی اوہنے اوہناں نوں چنگا جواب دتا۔ اوہ کول آیتے اوہنوں پچھیا پئی سارے حکماں وچوں پہلا کیہڑا اے؟

29۔ یسوع نے جواب دتا پئی پہلا ایہہ اے اے اسرائیل سن۔ خداوند ساڈا رب اک ای خداوند اے۔

30۔ تے توں خداوند اپنے رب نوں اپنے سارے دل تے اپنی ساری جان تے اپنی ساری سیان تے اپنی ساری طاقت نال پیار کر۔

31۔ دو جا ایہہ پئی توں اپنے گوانڈی نوں اپنے برابر پیار کر۔ ایہناں توں وڈھا ہور کوئی حکم نہیں۔

## 5۔ یوحنا باب 1، 2، 5، 8، 13، 15، 25، 27، 63 آیتاں

1۔ ایہناں گلاں توں بعد یسوع گلیل دی جھیل یعنی تبریاس دی جھیل دے پار گیا۔

2۔ تے وڈھا جتھا اوہدے مگر سی کیوں جے اوہ معجزے وکھاؤندا تے بیماراں نوں چنگا کردا سی اوہ اوہناں نوں ویکھدے سی۔

5۔ ایس لئی جدوں یسوع نے اپنیاں اکھیاں پگک کے ویکھیا پئی میرے کول وڈھا جتھا آرہیا اے تے فلپس نوں آکھیا پئی اسی ایہناں دے کھاؤن لئی کتھوں روٹیاں مل لئیے؟

8۔ اوہدے چیلیاں وچوں اک نے یعنی شمعون پطرس دے بھر اندریاس نے اوہنوں آکھیا

9۔ ایہتھے اک منڈا اے جیدے کول جو دیاں پنچ روٹیاں تے دو مچھلیاں نیں پر ایہہ ایہنے لوکاں وچ کیہ اے؟

10- یسوع نے آکھیا لوکاں نوں بٹھاووتے اوس تھاں تے بوہت گھاہ سی۔ ایس لئی اوہ بندے جیہڑے تقریباً پنج ہزار سی بہہ گئے۔

11- یسوع نے اوہ روٹیاں لئیاں تے شکر کر کے اوہناں نوں جیہڑے سی وند دیتیاں تے ایخ ای مچھلیاں وچوں جنیاں اوہ چاؤندے سی وند دیتیاں۔

12- جدوں اوہ رجھ گئے تے اوہنے اپنے چیلیاں نوں آکھیا بچے ہوئے ٹکڑیاں نوں اکٹھا کرو تاں جو کجھ ضائع نہ ہووے۔

13- ایس لئی اوہناں نے اکٹھا کیتا تے جو دیاں پنج روٹیاں دے ٹکڑے جیہڑے کھان والیاں کولوں بچے سی بارہ ٹوکریاں بھریاں۔

15- ایس لئی یسوع ایہہ جان کے پئی اوہ مینوں بادشاہ بناون لئی پھڑنا چاؤندے نیں فیر پہاڑ اُتے کلا ٹر گیا۔

25- تے جھیل دے پار اوہنوں مل کے آکھیا اے ربی! توں ایہتھے کدوں آیا؟

26- یسوع نے اوہناں دے جواب وچ آکھیا میں تہانوں سچ آکھداں واں پئی تسی مینوں ایس لئی نہیں لبھدے اوپئی معجزے دیکھے بلکہ ایس لئی کہ تسی روٹیاں کھا کے رجھے۔

27- فانی خوراک لئی محنت نہ کرو بلکہ اوس خوراک لئی جیہڑی ہمیشہ دی حیاتی تیکر باقی رہندی اے جنہوں آدم دا پتر تہانوں دیوے گا کیوں جے پیو یعنی رب نے اوہدے اُتے مہر کیتی اے۔

63- زندہ کرن والی تے روح اے۔ بدن توں کجھ فائدہ نہیں۔ جیہڑیاں گلاں میں تہانوں آکھیاں اوہ روح نیں تے حیاتی وی نیں۔

## 6- مرقس 16 باب 17 (توں دو جا؛) 18 (اوہ رکھن گے) آیتاں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

17- تے ایمان لیاں والیاں دے وچکار ایہہ معجزے ہون گے۔ اوہ میرے نال توں بدروحواں نوں کڈھن گے۔

18-۔۔۔ اوہ بیماراں اُتے ہتھ رکھن گے تے اوہ چنگے ہو جاوے گے۔

## 7- 2 کرنتھیوں 9 باب 6 توں 11 آیتاں

- 6- پر گل ایہہ اے پئی جیہڑا تھوڑا بیچ دا اے اوہ تھوڑا اوڈھے گا تے جیہڑا بوہتا بیچ دا اے اوہ بوہتا اوڈھے گا۔
- 7- جنہاں ہر اک نے اپنے دل وچ سوچیا اے اوہناں دیوے۔ نہ انکار کرے تے نہ لاچاری نال کیوں بے رب خوشی نال دین والیاں نوں عزیز رکھدا اے۔
- 8- تے رب تہاڈے اُتے ہر طراں دا فضل کثرت نال کر سکدا اے تاں جو تہانوں ہر شے بوہتی ملیا کرے تے ہر نیک کم لئی تہاڈے کول بوہت کجھ موجود رہیا اے۔
- 9- ایس لئی لکھیا اے پئی اوہنے کھلاریا اے۔ اوہنے کنگلیاں نوں دتا اے۔ اوہدی راستبازی ہمیشہ تیکر باقی رہوے گی۔
- 10- ایس لئی جیہڑا بیچن والے لئی بیچ تے کھان والے لئی روٹی اپڑاؤندا اے اوہ ای تہاڈے لئی بیچ اپڑاؤے گا تے اوہدے وچ ترقی دیوے گا تے تہاڈے راستبازی دے کماں نوں ودھاوے گا۔
- 11- تے تسی ہر شے نوں بوہتی پا کے سب طراں دی سخاوت کرو گے جیہڑی ساڈے پاروں رب دی شکر گزاری دا باعث ہندی اے۔

## سائنس تے صحت

1- 17:468 (مواد)-24

مواد اوہ اے جیہڑا ابدی اے تے نیست ہوون تے مخالفت توں بچیا اے۔ سچیاں، حیاتی تے پیار مواد نہیں، جیویں پئی کلام عبرانیوں وچ ایہہ لفظ استعمال کر دالے: ”ایمان اُمید کیتیاں ہوئیاں شیواں دا اعتماد تے نہ دیکھیاں جان والیاں شیواں دا ثبوت اے۔“ روح، جیہڑی عقل، جان یارب لئی دو جا لفظ اے کلا ای اصلی مواد اے۔ روحانی کائنات جیدے وچ انفرادی انسان وی شامل اے، اک اکٹھا خیال اے، جیہڑا روح دے الہی مواد دا پر چھانواں اے۔

2- 7-26:311

اوشیواں جیہڑیاں جسمانی حساں دے راہیں شناخت رکھدیاں نہیں اوہناں وچ مواد دی حقیقت نہیں ہندی۔ یہ بس اوہ ای نہیں جو فانی یقین ایہناں نوں آکھد اے۔ مادہ، پاپ تے فانی ساری فرضی سیان یا حیاتی تے وجودیت دے دعوے نوں جھوٹا کر دیندے نہیں، کیوں جے فانی لوک حیاتی، مواد تے عقل دیاں جھوٹیاں

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیا اے۔

حساں دیندے نیں۔ پر روحانی تے ابدی انسان نوں فانیت دے ایہناں مرحلیاں دے راہیں چھو نیاوی نہیں جا سکدا۔

ایہہ کہنی وڈھی حقیقت اے پئی مادی حس دے راہیں جو کجھ وی سکھیا گیا ہووے اوہ تک جاندا اے کیوں جے سائنس وچ اجیہاناں دا ای علم حیاتی دیاں سچیا نیاں دے راہیں اُلٹ ہو جاندا اے۔ مادی حس جنہوں غیر مادی سمجھدی اے اوہنوں مواد آکھیا جاندا اے۔ جدوں احساسی سُفناں غائب ہو جاندا اے تے اصلیت سامنے آؤندی اے تے مادی حس جنہوں مواد سمجھدی اے اوہ وہ غائب ہو جاندا اے۔

3- 15-32:89

جے کنک اگان لئی بیچتے آٹے دی پیداوار لئی کنک ضروری اے یا اک جانور کسے دو جے نوں جنم دے سکدا اے، تے فیر اسی اوہناں دی بنیادی پیدائش دا اندازہ کیوں لاسکدے آں؟ گلیل دے ساحل اُتے روٹیاں تے مچھلیاں کیوں ودھ گئیاں تے اوہ وی اوس کھانے یا واحدت توں بغیر جیدے توں روٹی یا مچھلی پیدا ہو سکدی سی؟

دھرتی دانداریا اوہ فرضی لکیر جنہوں خط استوا آکھیا جاندا اے مواد نہیں اے۔ دھرتی دی حرکت تے ایہدی پوزیشن صرف سیان دے پاروں قائم نیں۔ اپنے آپ نوں ایس خیال توں خالی کر لو پئی مادے وچ مواد ہو سکدا اے، تے ایہہ پئی جیہڑیاں حرکتاں تے تبدیلیاں فانی سیان لئی ہن ممکن نیں اوہ بدن لئی وی مساوی طور

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔



تے ممکن ہوون گئیاں۔ تے ہستی دی پچھان روحانی دے طور تے ہووے گی تے موت متروک ہو جاوے گی، بھانویں ہن کجھ لوک ضد کردے نیں پئی لافانیت توں پہلے موت لازمی اے۔

4- 3:467 (دی)-8

ایس سائنس دا پہلا مطالبہ ایہہ اے پئی ”توں میرے حضور غیر معبوداں نوں نہ منیں۔“ ایس لئی ایس حکم دا مطلب ایہہ اے: توں میرے سامنے نہ کوئی ذہانت، نہ حیاتی، نہ مواد، نہ سچائی، نہ محبت رکھیں سوائے اوہدے جیہڑا روحانی اے۔ دو جاوی ایخ ای اے، ”توں اپنے گوانڈی نال اپنے وانگر پیار رکھ۔“

5- 21-17:454

شفاتے تعلیم دونواں وچ رب تے انسان نال پیار سچا پیار اے۔ پیار راہ نوں متاثر کردا، روشن کردا، چن داتے راہنمائی کردا اے۔ درست مقصد خیالاں نوں شہ دیندے، تے کلام تے اعمالاں نوں طاقت تے آزادی دیندے نیں۔

6- 19-10:494

الہی پیار نے ہمیشہ انسان دی لوڑنوں پورا کیتا اے تے ہمیشہ پورا کرے گی۔ ایس گل دا تصور کرنا ٹھیک نہیں پئی  
یسوع نے بس کجھ خاص تعداد وچ یا تھوڑے جیسے ویلے تیکر شفا دین لئی الہی طاقت دا مظاہرہ کیتا، کیوں جے الہی  
پیار سارے لوکاں لئی ہر ویلے سب کجھ دیندی اے۔

فضل دا معجزہ محبت لئی کوئی معجزہ نہیں اے۔ یسوع نے مادیت دی نااہلیت نوں اوہدے نال نال روح دی  
لامحدود قابلیت نوں ظاہر کیتا، ایخ غلطی کرن والے انسانی فہم نوں خود دیاں سزاواں توں بچن تے الہی سائنس  
وچ تحفظ لبھن وچ مدد کیتی۔

7 - 31-22:25

بھانویں پاپ تے بیماری اُتے اپنا اختیار ظاہر کر دیاں ہوئے، وڈھے استاد نے کسے طراں وی دو جیاں نوں اوہناں  
دے تقویٰ دے مطلوبہ ثبوت دین وچ مدد نہیں کیتی۔ اوہنے اوہناں دی ہدایت لئی کم کیتا، پئی اوہ ایس طاقت دا  
اظہار ایخ ای کرن جیویں اوہنے کیتا تے ایہدے الہی اصول نوں سمجھن۔ استاد اُتے پورا ایمان تے اوہ سارا  
جذباتی پیار جیہڑا اسی اوہدے اُتے نچھاور کر سکدے آں، بس ایہہ ای ساہنوں اوہدے مگر ٹرن والے نہیں  
بناؤن گے۔ ساہنوں جا کے اوہدے وانگر ای کم کرنا چاہیدا اے، نہیں تے اسی اوہناں وڈھیاں برکتاں نوں نہیں  
ودھارہئے جیہڑیاں ساڈے مالک نے ساہنوں دین لئی کم کیتا تے تکلیف سہی۔ مسیح دی الوہیت دا اظہار یسوع  
دی انسانیت وچ کیتا گیا اسی۔

8 - 24-22:8

جے اسی غریباں توں منہ موڑ لینے آں تے اسی اوہدے توں اپنا اجر حاصل کرن لئی تیار نہیں جیہڑا غریباں نوں برکت دیندا اے۔

9- 9:5-13(3):17-24

ہر دعادی پرکھ لیہناں سوالاں دے جواب وچ پائی جانندی اے: کیہ اسی اپنے گوانڈی نال ایس حکم دی بنائے تے چنگا پیار کر دے آں؟ بھانویں اسی ساڈی دعادی نال لگاتار حیاتی گزار دیاں ہوئے ساڈیاں التجاواں دی تابعداری داکوئی ثبوت فراہم نہیں کر دے، تے کیہ اسی کسے چنگی شے لئی دعا کرن تے مطمئن ہو کے اسی ساڈی پرانی خود غرضی دا پیچھا کر دے آں؟ جے خود غرضی نے ہمدردی نوں تھان دے دتی اے، تے اسی اپنے گوانڈی دے نال بے غرضی نال سلوک رکھاں گے، تے اپنے لعنت گھلن والیاں لئی برکت چاہواں گے؛

”توں اپنے سارے دل، اپنی ساری جان تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایہتھے تیکر پئی بس مادی احساس، افسوس تے عبادت۔ ایہہ مسیحت دا ایڈوراڈو اے۔ ایہدے وچ حیاتی دی سائنس شامل اے تے ایہہ روح تے الہی قابو دی پہچان کردی اے، جیدے وچ ساڈی روح ساڈی مالک بن جانندی اے تے مادی حس تے انسانی مرضی دی کوئی تھان نہیں رہندی۔

10- 79:29-3

سیان دی سائنس تعلیم دیندی اے پئی انسان نوں ”چنگے کم کرن لئی فکر مند ہوون“ دی لوڑ نہیں۔ ایہہ نیک کم کرن دی تھکان نوں ختم کر دیندا اے۔ خیرات دینا ساہنوں ساڈے خالق دی خدمت وچ غریب نہیں بناؤندا، نہ ای ایہنوں روکنا ساہنوں دو لہتمند بناؤندا اے۔ سچائی دے بارے ساڈی سمجھ دے تناسب وچ ساڈے اندر طاقت اے تے ساڈی طاقت سچائی نوں ظاہر کرن توں گھٹ نہیں ہندی۔

## 11- 19-13:518

رب اپنے آپ دا تصور وڈھے دے نال اک رابٹے لئی چھوٹے نوں دیندا اے، تے بدلے وچ، وڈھا ہمیشہ چھوٹے دی حفاظت کردا اے۔ روح دے امیر لوک وڈھی بھرا بندی وچ، اک اصول یا پودے راہیں، غریباں دی مدد کردے نیں تے دھن اے اوہ بندہ جیہڑا دوجے بندے دی بھلیائی وچ اپنی بھلیائی ویکھدا اے، اپنے بھرا دی لوڑ ویکھدا اے تے پوری کردا اے۔

## 12- 25-23، 21-14:570

لکھاں غیر جانبدار سیاناں، سچائی نوں لبھن والے سادہ، فکر مند خانہ بدوش، صحرا دے تریائے، آرام تے پانی نوں لبھن والے تے اڈیک کرن والے نیں۔ مسیح دے نال تے اوہناں نوں ٹھنڈے پانی دا اک پیالہ دیوے، تے نتیجیاں توں کدی نہ ڈرو۔ کیہ ہندا جے پرانا اژدھا مسیح دے خیال نوں ڈبوون لئی نواں طوفان گھلا دیندا؟ اوہ نہ

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری، سیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

تے تہاڈی آواز نوں ایسدی گرج دے نال دبا سکد اے تے نہ جگ نوں دوبارہ افراتفری دے پانیاں تے پرانی  
رات دے ہنیریاں وچ جھونک سکد اے۔۔۔ اوہ لوکی جیہڑے اوہدے لئی تیار نہیں جیئیں برکت وچ تہاڈا  
حصہ اے اووہ شکر گزاری کرن گے۔ پانیاں نوں روکیا جاوے گا، تے مسیح لہراں نوں حکم دیوے گا۔

## روزانہ دے فرض

میری بیکرا ایڈی دلوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے  
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار  
نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔  
سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہووے، سُنجی پراہ بندی،  
خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں

بائبل دا ایہہ سبق پلین فیلڈ کرچن چرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین  
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے  
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں  
اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔